



Broj: UP09-07-1-1884/17
Sarajevo, 27.11.2017. godine

Ministarstvo pravde Bosne i Hercegovine, rješavajući Zahtjev Asocijacije infektologa u Bosni i Hercegovini, sa sjedištem u Sarajevu, ulica Bolnička broj 25, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 44/10 i 14/12), donosi

R J E Š E N J E

1. U Registru udruženja Ministarstva pravde Bosne i Hercegovine, kod Asocijacije infektologa u Bosni i Hercegovini, sa sjedištem u Sarajevu, ulica Bolnička broj 25, upisanog pod registarskim brojem: RU-310/05, knjiga I Registra, dana 03.08.2005. godine, upisuje se promjena, kako slijedi:
 - a) Izmjena i dopuna Statuta Udruženja, broj: 02/04 od 28.12.2004.godine;
 - Mijenja se adresa sjedišta Udruženja, tako da se umjesto „Sarajevo, ulica Bolnička broj 25“, upisuje:
„Mostar, ulica Kralja Tvrtka bb“;
 - b) Prestaju ovlaštenja za zastupanje Udruženja u pravnom prometu:
prim.dr. Pinjo Fikretu, Predsjedniku Udruženja i
dr.sc. Baljić Rusmiru, Zamjeniku Predsjednika Udruženja.
 - c) Lica ovlaštena za zastupanje Udruženja su:
prim.doc.dr.sc. Jadranka Nikolić, Predsjednica Udruženja,
mr.sc. Siniša Skočibušić, Zamjenik Predsjednika Udruženja.
2. Ostali upisi u Registru udruženja kod Asocijacije infektologa u Bosni i Hercegovini, ostaju neizmjenjeni.
3. Ovo Rješenje će se objaviti u „Službenom glasniku BiH“, o trošku podnosioca zahtjeva i na internetskoj stranici Ministarstva.

O b r a z l o Ź e n j e

Asocijacija infektologa u Bosni i Hercegovini, sa sjedištem u Sarajevu, ulica Bolnička broj 25, upisano je u Registar udruženja kod Ministarstva pravde Bosne i Hercegovine, pod registarskim brojem: RU- 310/05, knjiga I Registra, dana 03.08.2005. godine.

Udruženje je dana 21.09.2017.godine podnijelo Zahtjev za upis promjena u Registru udruženja ovog Ministarstva.

U toku postupka Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru udruženja. Ministarstvo je aktom Broj: UP09-07-1-1884/17 od 18.10.2017. godine zatražilo ispravku i dopunu zahtjeva.

Udruženje je podneskom od 17.11.2017. godine izvršilo izmjene i dopune zahtjeva, te uz Zahtjev priložilo slijedeću dokumentaciju: Zapisnik Skupštine Asocijacije infektologa u Bosni i Hercegovini od 11.03.2017.godine; Odluku o razrješenju i imenovanju predsjednika Skupštine Udruženja, Broj: 02-04/17 od 11.03.2017.godine; Odluku o razrješenju i imenovanju predsjednika, zamjenika predsjednika, blagajnika/rizničara i sekretara/tajnika Udruženja, Broj: 01-04/17 od


11.03.2017.godine; dva primjerka Odluke o izmjeni Statuta Udruženja, Broj: 03-04/17 od 11.03.2017.godine; Odluku o razrješenju i imenovanju osoba ovlaštenih za zastupanje Udruženja, Broj: 04-04/17 od 11.03.2017.godine, te ovjerene fotokopije ličnih karata i ovjerene vlastoručne potpise imenovanih lica; Odluku o imenovanju predsjednika i članova Upravnog odbora Udruženja, Broj: 05-04/17 od 11.03.2017.godine, te ovjerene fotokopije ličnih karata imenovanih članova Upravnog odbora Udruženja.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja. Stoga je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Asocijaciji infektologa u Bosni i Hercegovini, Klinika za infektivne bolesti SKB Mostar, Ulica Kralja Tvrtka bb, 88 000 MOSTAR i ovjerena Odluka o izmjeni Statuta Udruženja, Broj: 03-04/17 od 11.03.2017.godine;
- Zbirka isprava;
- JP NIO "Službeni list BiH".